

松

風

閣

詩

鈔

松風閣詩鈔

長洲 彭蘊章詠我

卷三 潛東集 古今體詩五十二首

支硎山何亭月下

乙酉

寺藏修竹裏犬吠野梅間明月上東嶺老僧猶未還苔痕緣石壁雲氣合柴關舊侶今何在鳴琴空此山

葦間叔父新居懸橋巷庭有花石乙酉四月旣望招石琢堂師張蒔塘黃蕡圃尤春樊三先生集汲雅山館爲問梅詩社第二十六集分韻得安字  
結社今三載清吟出再刊摵衣陪末座授簡瀾詩壇蓮

漏如年永茅堂卜地寬羣仙來得得老樹舞珊珊欲叩  
靈書穴先憑亞字欄牆分螺髻碧盆擁鶴頭丹稚竹苞  
紅籜新櫻薦玉盤一甌纔脫帽六角試題紙盥露摹張

草熏香佩石蘭吳鉤曾入詠

春樊丈壁間古劍會以徵詠

鄰架許同

看蕩圃文多藏書卽此逃塵網相期把釣竿湖山尋舊約花月  
接餘歡澆酒延秋爽去年作東籬會有詩探梅保歲寒海棠庭院

晚春色憶長安己卯春日侍叔父京寓疑野山房海棠花發吟玩累月

題虞山蔣霞竹

寶齡霜葉簃詩稿

人皆愛君畫人亦愛君詩我謂君書法守駿跋亦奇雋  
如憇南田珊瑚秀骨支放如吳匏菴空闊勢不羈君書

妙乃爾妙乃人不知諒爲詩畫掩坐使茅君悲  
陳白沙詩茅君始用事入手稱神功謂以茅作筆也

咄哉題詩卷刺刺稱君書得毋類皮相買櫝還其珠然我喜獨見有見敢不據鄭虔擅三絕

書豈詩畫輸君書旣如此君畫亦不殊君詩定何似靜  
籟鳴太虛

霞竹索題所作破樓風雨圖

昨題君詩卷落想頗出奇今觀風雨圖蒼茫思難裁不  
問誰家畫知君手自爲題詩亦不多落落數子才諸體  
競神駿閣筆吾何疑念君集中作未有憂貧詩因知作  
圖意非寫牢騷懷徒欲託風雨一暢筆墨機藉此徧徵

詠冀獲幼婦辭似君耽翰墨兀兀忘寒飢硯田無豐歲  
瑟縮生涯微君樓能勿破風雨能勿摧君豈知樓破豈  
知風雨淒三更燈火下細字牛毛窺似聞妻孥言呶呶  
若或悲君言風雨過明月清光來

嚴介堂

寅示自勵詩次韻奉酬

世人術才華之子守樸實儼如禪定僧皈心持戒律玉  
池湛靈光一燈熒漆室居貧能樂飢勵志師甘節游藝  
豈好名聊爾自怡悅君能寫性靈我亦忘工拙有生自  
有營無得亦無失秋月照空庭焚香理瑤瑟

題嚴介堂春郊散步圖四首

百舌啼春風喚起幽人睡出門步東郊花柳依依媚涓  
泉流活機細草懷生意遠山如佳人窈窕橫纖翠俛仰  
乍忘憂行吟使心醉玉輪滿香陌驕奢道所棄漫士何  
閑閑輾筇當緩轡

洪鈞鑄萬物四序殊形容唯春象發生和氣含虛空古  
有巖棲客覽物心沖融興言託豪素刻畫奪化工寫魚  
能躍浪寫鳥能啼風豈伊善體物遊目藏胸中不惜腰  
腳苦芒鞋蹴蒙蘿

閒居寡傳侶晝吟長閉門翩然一笠去暮與樵子還投  
囊句已漏刻燭裁成篇觀物資神悟寓言屢更端落落

古狂質詠歸趣陶然童冠且勿喧鼓瑟方安絃

我家住南園春至林木茂東顧帶迴溪西眺紆層岫平  
疇錯散金野花繁縟繡時見踏青人廣陌聯長袖一遊  
黃金臺三年誤釘餌御溝春水生苑柳春陰覆五陵盛  
少年金鞍倏馳驟明鏡使心寒長帶知腰瘦不免櫻桃  
嘲終輸蟋蟀鬪步屢還鄉園親交欣話舊滄浪好風土  
虞魏古婚媾兩三把臂行歌嘯同蘭臭幽谷亂鶯啼柔  
柔聞雉雊暖風蝶翅忙活水魚鱗鱗極茲視聽娛相脫  
亦孔厚披圖發長謡齒頰清泉漱

衣言堂前三椽歲久將圯從兄玉樵偕余同力葺

成有詩志喜和韻

我家頽宮旁自明中葉始

舊宅在長元學前八世祖以上明成化間居也亦越

萬厯間卜宅依葑水

八世祖夢蔚公始創衣言堂墓址公爲萬厯丙辰進士七世祖敬輿築室則已崇禎十三年矣

地接古滄浪人傳子美里屈指今十傳

歌哭猶在是世守得非幸焚香禱桑梓小子念詒謀匪

勉仍故址昔爲埃與塵丹牘清如洗昔爲朽與蠹輪奐

今重起吾身倘終底還視底孫子曾第及雲礪悠悠力

勿弛狸石鎮自今一禳羣陰否謝彼號琬緣迓茲昌盛

理井泉溢香醪階草茁甘薺檐隙散鳥雀砌穴空蠟蠟

稚兒從旁笑所欲得毋侈惟願春秋日有鵠來報喜

鏡菴上人住流水禪居有詩見贈和答

飄颻岫中雲隨風捲無定悠然出岫去遂爾濟物性涼  
雨灑空界煩惱化清淨灌頂願無窮未解憂餅磬非雲  
戀人世普茲功德盛寥寥靜中吟清籟虛林應早從智  
慧根流出迦陵詠忽移遠公社高棲元亮徑禪居爲先生  
叔祖尺木靜處夕梵鳥飛迴晨鐘魚出聽坐令諸佛子磨甄豁  
明鏡言念素心友抽毫發清興超脫禪三乘破除詩八  
病化機日川上膠著空心競

嘉定潘望之孝廉鴻誥示所著詩題贈四首

吾生多所嗜所嗜卒不工頗間同袍子秉性聊復同仙

樂奏繁會高人方耳聾才智驚外鑠靜者守其中何時  
屏煩慮浮雲觀太空

岷江濫觴水千里經沅澧萬權揚其波何能清見底才  
人墮末流志士追正始風雅如可作未知孰臧否閒看  
拂鼎渦只自中心起

嗟哉苦吟入冥心搜一字譬如決疑獄務與科條避流  
派一以分嚴辨淄澑味一團活潑機都被名韁繫嶰谷  
鳳鳴初何物非天籟

新聲曲沃匏古調龍門桐平心一傾聽各有黃鐘宮我  
讀誠齋詩激越生清風皮毛脫落盡真詩偶可逢野人

食芹美獻君侑千鍾

六月十二日偕問梅詩社諸先生集黃莞圃丈不

烈百宋塵祀黃文節公和韻

百宋塵翁嗜古書丹文綠牒宛委儲璧求珣玕醫無間

古人與稽今人居瓣香虔奉雙井廬十三甲子揆生初

社中一翁慣祀蘇

尤春  
樊丈

蘇黃匹敵楚與吳畫疆而霸才

不殊豈應六蓼同忽諸蕭齋展像清且癯神之來兮雲

模糊案陳宋槩珍瓊瑤魯魚舛誤知其無祭詩并作勘

書圖公如降鑒心歡娛祀公乙酉歲不享

公生  
乙酉  
千秋尚

友古爲徒諸公大雅輪同扶得毋嘲我蠅蠛吁

陳仲飛  
貰否  
索題所鑄印譜

吳鉤切玉龍虎章誰其著者陳與張友旗張生采蘂從岐黃陳生獨立追渾茫奇文盤拏森劍光鏗鏘直上斯冰堂鴻毛蠶絲屈曲詳一髮滿控千鈞強五丁鑿山通夜郎離婁抉背窮毫芒行間瑟瑟飛秋霜如君一技終擅場吾儕還羞雖處囊嗚呼君技今莫方三橋雪漁古韻頌

張蔣塘丈屬題大滌山洞霄宮圖

丙戌

天目峩峩南戒闡旁羅大滌神仙宅南湖直下秋水清天柱中擎嶺雲白宋時遺構洞霄宮官在諸巖迴合中

月夜笙簫橋舞鳳秋山風雨洞鳴龍鳴龍舞鳳羣仙集  
六甲靈符傳寶笈共羨窪樽餌玉芝不須丹竈炊瓊粒  
三池流水作雷聲九鎖迴嵐劍氣橫

吳筠藏劍於此山

石上祥

光開霸主空中佩響報先生天台雁宕稱神岳並峙東

南絕塵俗朝闕千官想大羅隔凡一石同林屋山人彈

冠宰餘杭政成蠟屐此徜徉畫圖載石理歸櫝歲歲南

山書一牀山川能賦復能說拂紙雲煙迴清絕欲叩靈

扉訪杜琛駐顏指授長生訣

謁鄒縣孟子廟敬賦

赤紱尼山後鍾英屬此鄉七篇傳道正三宿寄心長濁

世存堯舜辱邦出井疆天方開戰國終不怨臧倉

郵亭題壁

我行猶未遲況瘁僕夫知曉月空庭秣斜陽野店旗邨  
醅聊引睡木榻偶支頤無限勞人意夷歌一寫之

邵伯璵

細雨輕帆甓社湖天光雲影接模糊烏犍碌碌眠青草  
白鳥飛飛出短蒲兩漿船移春水闊一蓑人立野煙孤  
而今洗盡風塵色縹渺身疑入畫圖

邗江舟次

陰雲漠漠走輕雷白雨跳珠雪作堆臨水樓臺添碧蘚

過江時節近黃梅一枝柔櫓搖鄉夢半卷新詩撥古灰  
寄語瓜皮船上客莫吹鐵笛使人哀

舟行遇雨

雷公鞭蟻龍雨勢拔山起暝色迷津梁孤舟行未已推  
篷趁電光繫纜宿淺水林莽振涼颸秋聲迸入耳傍曉  
月窺人一隙射窗紙坐令軫結心光明亦如此

八月潮日泛舟石湖次韋間叔父韻

古塔楞伽地本偏高吟重此袂相聯水天放棹延新賞  
煙雨憑欄說舊年一鏡湖光臨傑閣登范公祠千潭月  
影載輕船留人桂樹還開徑得句秋風欲滿川香火荒

祠今寂寞笙歌盡畫舫自喧闐耆英會裏追陪慣真率齋  
中去住便潁上泛舟懷散誕山陽聞笛意纏綿誰知題  
硯詩成後叔度汪波竟渺然

同社復翁  
丈新逝

題石竹堂先生

韞玉

所藏曝書亭硯

草堂日午秋雲紫琉璃硯匣當窗啟塗蠟曾封卽墨侯  
蘋藻溶溶點春水分書款識曝書亭曹全體態何輕盈  
摩抄良久向日視一埽敗錦與繁星不須賈眼鶻鵠碧  
亦無斑栗硃砂赤觀其質色潤而凝決爲中嚴青花石  
竹垞自言嶺表遊水巖購石滿歸舟見硯集中硯銘四  
十六丹鉛矻矻老不休羽翼經訓大儒筆揚厲功德詞

臣職玉堂標翻丁寶臣冰壺製摹黃魯直硯乎在野或  
在朝不改虹氣干青霄發揮道德出醇粹灌磨品質除  
譁竚竹垞珍爾識其側先生好古銘詞勤欲託平生金  
石交相期蘊蓄圭璋德巧匠年年雕琢新如何古製完  
天真端溪片石非無價吳越百年有替人

詠張蒔塘丈

吉安所藏趙忠毅公鐵如意

丁亥

今日君子堂來觀鐵如意想像忠毅心忼慨前朝事入  
坐爭摩拂錯落戩金字銘詞戒勿折覽物堪明志璫  
戩熹朝白日行魑魅道義守東林衣冠激清議豈無昆  
吾劍光氣干時忌豈無朱亥椎俠烈道所奔鐫成鐵如

意內舍勇與智  
驥策贈同朝  
段笏心相類  
羅網竟高張  
三秦中陰計  
謫戍雁門行  
骯髒英雄氣  
時平飲太和  
讀史感風義  
九原忠佞呼  
一字袞鐵快  
狂歌消古愁  
擊節睡壺碎  
徒言百鍊剛  
毋乃覩其外

蜂有刺

折花行階下蜂來刺我肌  
誓欲拔蜂刺蜂向牆頭飛  
呴蜂此去觸蛛網來朝  
蜘蛛網乃見蜻蜓衣蜂兮  
蜂兮汝亦何能久  
花事闌珊穀雨後

元朱碧山製銀槎酒器歌

君不見海水上與銀河通  
浮槎八月海西東  
客有好事

建飛閣齋糧乘之牛女逢仙家異事古來有鑄成酒器  
前無偶杖枴靈木千年根上有仙人勸行酒闌盡人間  
醉態狂何妨我亦醉爲鄉瀛洲寶甕金成瀝蓬島銀罍  
玉作漿誰識仙人意否百斛香醪不濡口脣中本無  
魂石醞澆錚錚枵腹誰見嘲羣仙會裏看浮白銀濤腳下  
清風激前身合是釣鼈人不然長嘯騎鯨客仙兮仙兮  
探源宿海捫青天飄然揮手來塵寰躍入洪鑪身百鍊  
儼如監史在我前問君何時到酒泉碧山造此至正年  
禁楸古制存規戒莫作尋常酒器看

花朝雨中琴南訂同人虎阜探梅

尖風細雨送花朝  
九十韶光半寂寥  
賴有尋梅詩太守  
不然春事竟無聊

萊州風雅繼蘇州  
點綴叢祠花石幽

琴南新葺  
白公祠

好雨不

教茅屋賞飛鳧  
艇子水西頭

舞衫歌扇逐年新  
臨水樓臺住玉人  
孤負瑤姬支病骨  
空山深鎖十分春

一枝瓊雪倚柴關  
料峭春寒破笑顏  
若向羅浮尋蝶蝶

未應無夢到人間

時吳鵠人學士  
新逝家居虎阜

宋于庭學博

翔鳳

歸自粵東示所著詩因題

名山事業託舟車  
十八灘頭穩著書  
浪迹不憂虛歲月

生涯何必問樵漁竹林繁露大儒學  
于庭習漢經師之說著有樸學齋稿

陪葦問叔父訂同社諸先生山塘修禊二首

煙雨垂楊岸流觴禊事修花香迎醉客山翠入飛樓已

續蘭亭本琢堂師有重敍蘭亭還同曲水遊銀塘風日美索句泛

輕舟

柳色清明近山容淡冶中畫樓歌扇月花市酒旗風尙友如新友蘇公更白公是日集白公祠晚登仰蘇樓看山好腰腳天

付老詩翁

上巳後二日同里書畫諸友集蓮溪坊顧氏草堂

插柳今朝例禁煙

是日

寒食浴蘭佳節卻開筵特寬酒令收

三雅漫試琴歌上七絃

酒令不過三爵筵散

桃木仙符

虛法曲吉道士

不至

黎花僧院落空妍

鏡菴上人居金井菴梨花已謝

晉卿

本是西園客

太倉王子若麓臺曾孫也

偶入蘭亭第二篇

不愧嘉名擬六如

謂介堂

吟成七字酒巡初蒼鬚歷亂星

星感

介堂去歲有留

班管迷離款款書獨客陽春歌郢

曲

是日只介堂

有幾人寒食薦山蔬

鏡菴暨諸君持齋者別爲一席小

冠子夏商圖畫

杜拙齋首倡作圖

茅屋中間若箇居

徐重侯

坡

自山左歸里翦燈夜話卽送返櫂清溪

二首

揮手宿南國去年途週於宿遷停車一日而別清愁雨黯然過江春又暮竟夕客無眠缺月低松蓋輕雷出竹鞭爲君重翦燭此別恐經年

之子來何暮風塵浣客衣落花飛不盡春水送將歸惜別燈初暗忘言瑟欲希誰知千里夢一夕會相依

睡中得句云秋風樓閣松聲滿春雨池塘柳色深  
因足成之

累月不遊亦不吟夢魂依舊託山林秋風樓閣松聲滿春雨池塘柳色深此境卻從真處得當時翻向幻中尋  
何如鱗甲笙鐘句五字堅城比鑄金

懷山陽毛子喬孝廉

松齡

寂寞江南第二人

丁卯領鄉薦第二

文壇憶我十年親上書

蘇季黃金盡擲果潘郎白髮新吳苑梅花愁裏發淮陰  
芳草酒邊春道山亭畔橫經客猶慕林宗折角巾

午日偕同社諸先生山塘觀競渡

蒲葉榴花對酒尊爲看競渡到山村綺羅艷拔吳官隊  
蘭芷香銷楚客魂打槳更番排鶴陣塞旗一闋奪龍門  
中流簫鼓豐年景白髮詩翁笑語溫

鶯脰湖泛舟

落日蒼蒼鶯脰湖蘚紋十里細模糊銀魚出水思風味

白鳥衝煙入畫圖  
傍水柴門分小市  
臨波傑閣住浮屠  
漁歌前路溪聲合  
催上明星一點孤

吳兼山司馬嶠招同詩社諸先生集逸園

問梅詩社開吳趨良朋勝地相招呼園林昔傳靜甯慕

園爲靜甯慕鳴鶴漕帥遺構今見重葺虞山吳虞山門闕承忠蓋司

馬聲華重時俊辟疆邱墟繡野歇樓臺新闢元卿徑荷

池漾波半畝寬池邊孤亭石磴盤數株垂柳映簾幕兩

三吟客憑闌干主人酒半發清興石笛一聲六月寒

席上

蕭吹神仙合住華陽洞慙余未斷長安夢秋風秣馬別

吟壇千里思君明月共

韓桂船大司寇封引疾歸里屬題秋帆圖四首

屈指懸車近

公時年六十九

臣心憶故園

溫綸來

北闕祖帳設東門紅杏題詩句黃花對酒尊  
篷窗風日好展卷課諸孫

竹箭東南美迢迢錫貢年

公以拔萃科起家

白雲平犴獄珠海

靖烽煙解組情何決投綸意自便焚香深夜望紫氣斗

杓前

連城和氏璧未解畏青蠅一夕浮雲散三霄寶氣騰祇  
因磨不蝕轉覺價逾增同被陽光照嶙峋笑鏤冰

秋風吹木葉霜月挂高巖  
畫景江南路歸人天際帆移  
家無釣具在笱有朝衫好著歸田錄名山貯石函

桂船丈屬題小寒碧第二圖

黃巖遺愛浙江東

公五世祖開雲公官黃巖令

有董文敏公書寒碧齋額

寒碧嘉

名奕葉同養志早吟將父句

公昔侍封公樂餘先生有

嘗自顏其堂曰養志

懷如見古人風

公曾伯祖文懿

公著有懷堂集

林泉娛老身非隱桑梓

分憂望屬公已聽西郊停采石

雲根寶氣夜如虹

形家言吾

吳西山不宜采石公  
言於當事設爲厲禁

菊塔

有辱

琢堂師疊盆菊爲七級如浮圖形重九日招同

人爲詩社四十一集因賦

南圃新開野菊芳，玲瓏盆盎疊書牀。  
七重欄影樽前合，四照花容眼底忙。  
珠網明時擎曉露，金旛淡處著微霜。  
凌空色相三秋現，多寶莊嚴一塢藏。  
倦蝶夢成馴鵠繞，寒蟬吟出梵鐘涼。  
齋中運甓英雄氣，籬外懸燈舍利光。  
須插滿頭誇韻事，未知絕頂有奇香。  
欲呼東晉陶彭澤，共禮西方阿育王。

琴南服闋入都餞別

蓬萊仙郡乍分銅計日陳情，一表通君初以御史拜萊州太守未及之官  
聞封翁病卽假歸西磧問梅移箬艇，南廳煮茗憶花驄。  
山林結

習談黃老香火因緣證白公

君倡修虎邱白公祠何日重逢尊酒

會出山雲影任西東

詠雪羅漢

捲幔閒庭絮作堆莊嚴寶相出塵埃都因測佛心難了  
急與呼童面別開證果四禪參玉版慧燈一點照蒼苔  
懶從長老遊西域卻伴詩人眺北臺磨鏡夜飛窗外月  
拈花春破嶺頭梅現身超脫聲香味彈指消除今去來  
入世是誰能不減觀空到爾亦須才化爲功德池中水

灑遍靈山法雨回

受業蔣彬蔚校字

松風閣詩鈔

長洲 彭蘊章詠義

卷四 花南集 古今體詩八十一首

庭梅歎

戊子

空園有老梅寒花耀古春攀條折其芳持用贈美人美  
人隔湘浦欲贈無會因彼姝者誰子羅綺振鮮新豈不  
慕顏色奈非心所親豔陽來何遽桃李媚芳津茲花誰  
與賞零落霑泥塵泥塵何足惜惜此高潔身

項王墓

鎬池壁識祖龍死奪鹿羣雄相角掎鬼火狐鳴戌卒驚

粗耰白梃如蠶起想當破釜沈舟日英姿颯爽宜無匹  
猛將皆從壁上觀降王已分車前柱天心無奈厄英雄  
神器終歸隆準公關內漸聞兼雍塞鴻溝無復劃西東  
沐猴獻嘲立烹醢問王天亡豈無臯斗撞進諫置不聞  
印倣與人更追悔漢軍四面皆楚歌入子弟降者多  
烏江自愧田橫島駿馬名姬奈爾何

董琢卿司馬

國珠

謁選入都寓齋夜話二首

翦燭重來天一方廿年陳迹記名場秦淮秋月催鐘盡  
易水春波喚艇忙共擬灌花稱漫士不圖焚芰學山郎  
何時同聽瀟瀟雨風物吳趨好故鄉

問梅社裏元方識

令兄琴南太守與余同在問梅詩社兩年

異地逢君思不

禁孤館殘燈吟對榻閉門春雨話同岑桓寬鹽鐵新書

出

君撰淮南鹽法論

賈讓河渠上策尋

君嘗修書河南曉陽河防

愧我端居

聞見少閒評風月擲光陰

對月感懷

咫尺堂坳芥作舟何能直達海西頭宗生虛抱乘風願  
費氏空勞縮地遊齊物論中參變化惱公曲裏寫煩憂  
良宵不秉西園燭明月簾櫳又土鉤

行路難

脂車懸崖下秣馬深林中蕩子何所之草莽多伏戎蝮

蛇盤我前狂兕蹲我後彳亍荒山道寶刀常在手觴酒  
來止渴毒脯持救飢不如還故鄉閉門共哺糜今時清  
廉難犯教言願君自愛莫爲非行路難望君歸

慷慨歌

生不願封萬戶侯但願足踏五嶽遍九州宗生欲乘萬  
里浪向平妻子徒懷愁人生亦有命戚戚何所求昔時  
雨青鬃今看成白頭胡不飲美酒良宵秉燭遊山行有  
興水有舟勸君登臨躋勝幽攀崖騎白鹿凌波戲海鷗  
何爲鬱鬱心煩憂君不見朱門碧瓦長安道幾處悲風  
吹蔓草慷慨歌歌慨慷何日青山成獨往

臨高臺

臨高臺以軒上有萬里之長天下有千仞之深淵我身  
如一粟寄迹于其間仰視黃鸝摩空翔遊子何時還故  
鄉故鄉茫茫遠千里碣石秋高暮雲起

續成夢中句

侵曉夢遊山作詩頗突兀醒時窮力思惝恍忽已失喬  
松冠朝霞石缺架初日惜乎未成篇如獲古殘碣

淀園內閣直廬卽事四首

僕直離宮外身疑傍九霄月催鐘漏盡風送珮聲遙虎  
旅森周衛鶯羣策早朝

綸扉咫尺近橐筆記朝朝

帝語分俞拂廷章別薦彈微臣先入手天下快同觀馬  
背傳郵速蠅頭校字難不解銀海眩看到燭花殘

驚羽飛分序來朝有替人攤書逢故我敲枕卽聞身窗  
暝月光薄簾涼秋意新輕雷驚夢覺牆外走車輪

凌晨辭桂桓策馬扇湖東影照芙蓉水襟披楊柳風吟  
蟬聲易老浴鴨闌難工西望羣山峻仙禽巢此中

獨居吟

四友且勿從二豪且勿侍獨坐還獨吟獨居意獨  
居寡言笑耳無嘲謔聞獨居惜光陰坐無博奕羣獨居

勤睹記晤對惟古人獨居捐嗜好淵默養天真孰云我無徒乃與德爲鄰德鄰誠不孤居敬有誰詔宰我嘲朽木晝寢眸子眊子桑不衣冠太簡仲弓誚四美固堪樂二病亦易蹈自勸還自懲時時自檢校惟有惜光陰惟有寡言笑惟有勤睹記惟有捐嗜好

囊琴

己丑

幽棲梧桐院石几琴高張忽悟無言意韜之古錦囊深情觸金玉其外猶文章牙曠人不作海波空渺茫

庭中鶯

有鶯有鶯在庭中黃觜唼喋尾翫翫一日飼爾梁十命

主人清貧爾亦薄，有時昂頭仰天叫。  
孫登半嶺舒長嘯，有時曲頸抱莎眠。  
畢卓甕頭中聖賢，雪衣終日沾塵土。  
北風吹來一尺雨，瀼瀼游泳比池沼。  
濯濯階前鼓翅舞，羽毛潔白不能飛。  
飲啄從容不見肥，鴻雁一聲雲外響。  
江湖萬里與君辭。

潘芝軒先生贈手書竹扇賦謝

罷穢嘲難解，清風忽到襟。  
沈吟題扇語，感激贈言心。

書扇

范文正公  
忠宣語用舍隨舒卷，方圓變古今。  
惟應支瘦骨，不受軟紅侵。

新秋淀園直廬作

平湖如帶繞紅牆  
牆外青山眉黛長  
岸柳微黃秋作態  
池荷深翠水生香  
踈簾月影回清夢  
高樹蟬聲送夜涼  
何處輕雷催陣陣  
門前走轂早朝忙

潘星齋曾鑒畫蝴蝶團扇題句

冰綃如月一輪裁  
橘蠹雙飛畫本開  
更倩右軍題六角  
新詞好寫祝英臺

春郊煙景望模糊  
粉翅顛狂戲綠蕪  
最是河陽花滿縣  
風光占盡玉腰奴

詩名不讓謝蝴蝶  
彩筆勝王圖並傳  
試與舊聞搜日下  
幾時飛到太常仙

新裂齊紵皎雪肌將衰華葉怨班姬憐他捐篋秋來早  
留待西園八月時

蘆花和顧南雅先生

蕪韻

瑟瑟花難好蕭蕭水更深留孤雁宿蹊遣一舟橫日  
薄秋無色江空月有聲此中人不見搔首若爲情

冰牀

臥遊忽到水晶宮一兩芒鞋看轉蓬巧索詩情驢背外  
別開寒境馬蹄中飛瓊仙去留縱在羣玉山遙有路通  
聽取喚君行不得靈臺三日候東風

蠟梅二首和吳小穀

清皋韻

空庭殘雪照斜陽一樹西風動暗香花冷故宜無蝶戀  
蜜成不見有蜂忙何年天女頒宮樣昨夜瑤姬換道裝  
盼到全開開不盡十分春事讓東皇

黃羅廣袂笑相逢莫是瞿曇世外蹤秋菊未宜專晚節  
早梅還倩作先容橫斜月下色初淡點綴春前香轉濃  
報道東風消息到蠟丸書札折重重

擬古十九首并序 庚寅

世傳古詩十九首非一人所作太羹元酒鮮能  
知味千載而下難爲繼聲余濩落中年飄零京  
國春風秋月卽事感懷聊託擬古之詞以抒鬱

紓之意非以優孟衣冠自誇形似也存之以俟  
知言者

行行重行行江湖阻且長親交曾莫覩身在天一方回首望鄉國浮雲蔽青蒼仰見雙黃鵠奮翅東南翔辭家日以久素衣日以垢春谷變鳴禽寒沙搖弱柳羈旅感年侵煩紅催白首遠遊令人老寄語山中友

青青河畔草灼灼園中桃的的倡家女靡靡吹玉簫豈意金吾子贈妾莫瓊瑤妾心水與萍君心漆與膠萍水一時散膠漆幾時銷

青青陵上柏離離山下苗人生百歲間忽如暮與朝勸

君飲美酒秉燭遊良宵良宵西園宴月華被林皋謳歛  
爲君放絲竹爲君豪不惜青玉案何吝金錯刀不見北  
邙山墓樹風蕭騷乘雲躡仙闕千古惟松喬

今日良宴會知交敦古懽佳人抱瑤瑟倚我銀牀彈坐  
客盡傾耳曲終起長歎新聲世所悅古意良獨難奉君  
金卮酒努力勸加餐人生瀛海內飄忽若飛翰何不振  
毛羽翱翔鶴與鸞無爲終顧領誥屈泥蛟蟠

西北有高樓嶽漢凌蒼穹飛闕軼神雨畫梁橫采虹上  
有笙簫聲泠泠散虛空誰吹紫鸞曲毋乃白玉童秦女  
去千載知音難可逢不惜知音少但愁曲未工願爲廊

門鶴奮超起高翀

涉江采芙蓉打漿弄湖水相思江水深苦心肇蓮子泛  
泛鄂君舟望望長千里煙霧何蒼茫日暮秋風起  
明月皎夜光鴻雁西南翔鳴聲何哀厲客起聽傍徨微  
霜被原野百草爲不芳歲月忽云暮煩寃結衷腸念我  
同袍子青雲共韻旗前綏肯枉駕戴笠嗟道旁西家梧  
桐樹掩映東家牆樹木還相庇朋友何相忘

冉冉孤生竹不如連理枝依依思遠道不如攜手時連  
理結同林夫婦豈異心蹉跎秦嘉別沈痛歲月侵方舟  
遲不駕軒車勞豈任一身如飛蓬旋轉不自禁策馬去

京國悠悠我思深

庭中有奇樹百尺陰四垂謂當逢匠石斲成棟梁材蟲來齧其根枝葉何離披憇茲生意盡不愁果實遲願憑雨露力槎枒發華滋

迢迢牽牛星盈盈河漢水寂寂填津鵠悠悠寄書鯉報章久不成七襄空若綺停梭赴佳期褰裳涉河涘河廣水增波落日驚飈起

迴車駕言邁他鄉輕作別他鄉有朋好要我重來日慷慨語朋好不忍相決絕順逆路有歧出處蹤匪一長安盛英才華實相廁切琢玉生光輝沐蘭染芳烈殷勤矢

後期腰解珊瑚玦

東城高且長下眺平蕪綠雨三羽林郎馬射爭馳逐聳  
身據雕鞍回眸飛勁鏃問爾何官職升斗露微祿前年  
征西睡冰天怒橫稍脫甲喜時平復恐髀生肉踧踖豈  
不勞所期在嫋熟愧茲儒冠人端居養庸福

驅車上東門東門列紈綺婁女來河間褰裳入闇市十  
三能度曲十四學彈箏十五工巧笑十六號傾城昔當  
從年少不願侍公卿何來遊俠子解佩玉鏘鳴三十侍  
中郎華容燦朝英青錢齋百萬繡駕馳相迎陽春二三  
月桃李增光榮輕身歌舞燕嬌語妬啼鶯謂是百年好

豈知一日情傷彼紅槿花朝開暮還零

去者日以疎幾家婦作姑來者日以親幾家兒抱孫親  
疎誠代謝奄忽爲陳人瘞骨黃泉下鴟鴞啼墓門白楊  
何蕭騷悲風吹斷魂及時不行樂千載同埃塵

生年不滿百心事爭千秋千秋名未立送君成白頭白

頭君勿歎日暮還平且蔡邕復著書未滿張衡願邕爲衡後

身見商  
芸語林

凜凜歲云暮遊子衣裳單崎嶇世路狹窮阨誰相憐黃  
金市駿馬不犁二頃田白金鑄寶刀不斷三尺櫟治生  
誠急務夸者召飢寒懷哉張仲蔚獨閉蓬蒿門

孟冬寒氣至愁雲斂風色眾鳥不敢翔飢鷹思奮擊由  
基挽強弓一發落雙翮坐令陰霾消仰視日光赤寄語  
鸞鶴羣層霄共摩翼

客從遠方來貽我青銅鏡但照妍與媸不辨凡與聖澹  
臺惡更昭南威美堪證臧否盡如此勸戒何由正慎勿  
鑒吾形吾衰且多病

明月何皎皎白露何團團良人遊燕趙風氣苦早寒纖  
手引刀尺夜裁綺兩端迴文錦字匝細訴關山難秋蟲  
鳴唧唧助妾空房歎願化雙飛翼從君伸舊歡

神仙樂府二十首

并序

仙蹤縹渺六籍無徵確士患其不經隱流聞而  
起慕山圖園客子政志其幽奇碧樹瓊林景純  
誇其美麗凌霄著雲間之賦步虛撰新野之詞  
亮結契於丹邱豈馳情於碧落作神仙樂府以  
消遣世慮山深林密中必有屬而和者

采藥父

采藥父號偓佺食松實不紀年體毛數寸輕如猿能逐  
飛鳥升山巔憫陶唐氏之憂勤授以松實還童顏壽如  
日月行中天胸唐願爲天子不願仙還君松實我與四  
海同艱鮮陶唐不願仙亦不願天子拱手讓許由許由

聞之爲洗耳

彭祖壽

服藥百裏不如獨卧四十九妻彭祖一个尊官大神天上多新仙卑位何么麼奉事非一畏勞苦聊避人間久婆娑久婆娑八百八夏殷周日出沒

魚腹鈴

隱南山釣下谿三年無魚釣不止遼東隱士王者師輩鴻在野夷羊在牧鈴出魚腹火流王屋鎬京逐得中原鹿澤芝石髓君仍服服食還丹二百年空棺惟葬鈴書

巾巾巾

巾巾巾入天門呼長精吸元泉鳴天鼓養泥丸老君聞  
之起長歎是眞祕語傳列仙鍊形服氣駐爾顏使爾夏  
不暑冬不寒不寒何衣不飢何餐高不畏山深不畏川  
御風泠泠入極寬巾歌終人去矣世間傳是長桑子  
長桑子已去東周采薪行歌遊十洲

綠山鶴

王喬吹笙去不還浮邱挾之登嵩山嵩山月下鳴鳳凰  
寄語桓良良勿忘七月七日綠山上故鄉我欲登高望  
登高望騎白鶴家人來仰碧落舉手謝家人白鶴衝天

門

吹簫史

吹簫史鳴鳳臺引鳳來隨鳳飛嗟爾弄玉願作吹簫婦  
不願諸侯公子妃君不見男臣女妾更爲重耳捧盤匜  
當時匹偶道淪喪吹簫志節青雲上至今鳳文祠邊路  
簫聲月夜秦川度

出函關

騎青牛出函關函關留著五千言著書本非老子意後  
來作者盈空山何人作俑函關尹老子無爲守虛化立  
言有責歸聖賢著書一事神仙省

華陰女

阿房宮人字玉姜  
秦亡不從楚漢王  
但從道士食松葉  
不飢不寒毛髮長  
後人莫笑宮人愚  
珠簾翠幙未若山  
中居君不見漢王宮  
裏夫人戚楚王帳下  
美人虞烏雖不逝  
猶歌舞黃鸝高飛泣  
如雨華陰山下秦宮人  
避世入山良苦辛

賣藥翁

瑤瑤賣藥翁人稱千歲公  
去時遺君白玉舄期君千載遇  
我蓬萊宮奈何蓬萊宮直下海  
底尋無蹤嗟爾千歲公三日三夜誑祖龍

臘嘉平

茅初成人太清下元洲戲赤城祖龍聞之臘嘉平蓬萊  
方丈祈長生詔使徐福入海行入海行舟千百三山下  
有蛟龍宅驚濤萬丈天昏黑不遇神仙不敢歸童男卯  
女海島開新國

黃石書

媧皇補天擲下一卷石千秋萬歲中央色何年南極感  
星精化作老人圯上行授爾孺子陰符經陰符經亦人  
間有當時正值秦燔後伏生轍固皆不知一卷天教黃  
石守

揖金母

揖金母拜木公漢初小兒語路中子房聞之往肅拜云  
是東王公之玉童由來紫府尊公姥仙籍書名公姥主  
瓊宮羅拜摶霓衣不是神仙那得知玉童去後良辟戴  
赤松遊耳辭榮祿

青鳥來

承華殿前青鳥來斑龍駕輦雲屏開玉盤精饌桃七枚  
問桃何年華問桃何年寶瑤池彈指一千春姬滿來時  
不堪折此桃一食延干齡茂陵松柏何青青

昇天行

子欲長生當服山精子欲輕翔當服山薑古人服食求地仙黃白之術乃昇天淮南著書有鴻寶八公丹經復傳道藥器猶令雞犬仙少年窈窕何由老

赤龍吟

安公安公治與天通七月七日迎汝赤龍朱雀上治作人語紫色衝天公無苦赤龍來天門開安公騎龍久徘徊久徘徊過城邑城邑千人向公揖赤龍宛轉天門入

戒鬼壇

戒鬼壇走霹靂擊鬼雄擒鬼伯鳴鶴山中修道成雲臺  
峰下升太清神仙夫婦歷三世帝令玉女雲幢迎軒轅

龍虎中丹術符籙千秋傳正一辟邪玉印弭灾疾戒鬼  
壇非異端黃金四目詳周官

句漏令

句漏令鍊丹砂羅浮木是仙人家仙之從祖卽仙去弟子鄭隱高風慕隱傳洪祕術工鍊形服氣空山中抱朴著書成一子伯陽參同差可擬

踏踏歌

踏踏歌藍采和紅顏春樹流光擲梭破衫黑帶跣一足三尺拍板行且歌行且歌兮墮濠梁忽輕舉兮雲中翔雲中翔兮青鸞座歌踏踏兮無人和

炊黃粱

鍾離炊洞賓睡一夢黃粱等遊戲洞賓夢鍾離知神仙  
可學真我師去去辟穀終南陲終南陲一劍孤劉海蟾  
張珍奴空山鍊形吾與徒

華山隱

希夷不求仕初隱武當山後移雲臺止石室辟穀服氣  
蒼崖間太平興國曾應詔和詩便殿仍放還平生所好  
惟讀易一卧空山人不識先生飲酒度百齡虧皮處士  
尋無迹

春寒和星齋韻

料峭尖風送陰陰欲暮天禽聲春樹裏雪意酒杯前破

寂琴三弄支寒衲

一肩因懷故園客野鶴共翛然原作懷令

兄功

甫

讀番禺張南山大令

維屏

聽松廬詩鈔服其五言

律之妙因題一首以彷彿其詩境云

仙山鶴一聲子晉下吹笙碧月破天出白雲隨地生鴻  
毛輕太華杯勺吸滄瀛采藥人間倡金丹煉不成

杏樓喜用險韻屢疊不窮四月望日折柬見招懼

其先薄我也詩以挑之

虎頭才絕癡還絕對壘詩壇聽鼓鎛腕底煙雲驅習霍

胸中山嶽吐嶙峋酒人興比巵無當吟客聯如爵有僎  
天上白榆歌舞府中厨芳脆薦冰齶

午日芝軒先生招集園中作

又見榴花照眼明旅人撫景不勝情南天無雁銜書到  
北海有尊遲客傾畫壁雲深山黯黯壁間新補周芸投  
皋觀察畫山水壺晝永矢鏘鏘庭槐卓午清陰滿喜聽新蟬第一聲

庚寅七夕書懷

忽忽年開三十九歐陽當日已稱翁朱顏元髮都無恙  
只有看花似霧中

漢家殘碣晉家甌直溯秦丞倉頡篇學得屠龍無用處

簪花體格重時賢

廿載耽吟郊島詩未工猶喜少人知漚波

王愬甫師晚年自號去

後誰堪證一點靈犀是我師

東華橐筆閱三秋虛說移家范子舟遙憶今宵小兒女  
中庭瓜果拜牽牛

九日書懷

斜陽一角照城樓簞篋聲高起暮愁雅陣送寒催落木  
雁書緘恨到深秋泉明種菊吟情減子政然藜心事悠  
聞道征西官屬盛有人投筆覓封侯

酬韓桂船先生見懷之作

世事浮雲百不聞西風獨客對斜曛江湖千里征鴻影  
雨雪三邊戰馬羣投筆誰爲班定遠據鞍豈少趙將軍  
騎驢去後心霄漢應憶珠崖舊策勛

紀夢

迢迢寒夜夢飛落故園中桂酒碧雙盞蠟梅黃一叢自  
言經歲別不負看花同照影蘭缸炯秋衾孤館空

寒花和絃庭韻

膽瓶瘦影夜缸闌伴我清吟徹曉寒多謝幽人深谷采  
最宜名士晚年看霜前芳艷傳來久天外春風吹到難  
酌與花魂一尊酒廣庭瑣屑灑重欄

凍硯和絃庭韻

琥孟水凍夜寒知棐几燈昏試墨時若箇吟梅花著管  
有人詠雪絮飄池揩來鶴眼更番澀畫到蛾眉訝許遲  
移傍薰爐成煖玉好翻新樣寫生枝

問梅詩社一百集適桂船先生種梅書屋落成有詩誌喜和韻郵呈一首

盼到騷人攬揆期歲值庚寅好將韻事報花知同時相望七

千里琴南在滇後會當吟百一詩慣替老梅添典故爭攜瘦

竹討幽奇華陽小築新鉏月來歲寒香拂酒卮

別來文譙記頻仍林下風流見幾曾斗酒只宜呼李白

萬錢底用傲何曾  
花枝簪處人休笑  
詩卷刊餘壽共增  
臨頓三弓新拓地  
相州畫錦合同稱

庚寅除夕

曙色春光動和風  
柳上回燭花良夜  
永爆竹喜聲來  
感逝心猶昨十月  
悼亡無聞歲忽開  
九衢看走馬簪笏集鸞臺

受業蔣彬蔚校字